

SOS**অতি সংক্ষিপ্ত প্রশ্নোত্তর :******* ১। দরপত্র বা টেন্ডার বলতে কী বুঝায়?**

বাকাশিবো- ২০১৮, ১৬, ১৮'পরি, ১৯'পরি

উত্তর : সরকারি বা বেসরকারি প্রতিষ্ঠান কোন নির্দিষ্ট কাজ করানোর জন্য আহ্বানী এজেন্সি বা ঠিকাদারকে কাজের বিবরণ, মূল্য এবং সময়সীমা উল্লেখ্য যে অঙ্গীকারপত্র প্রেরণ করা হয় তাকে দরপত্র বা টেন্ডার বলে।

***** ২। কোটেশন কী?**

বাকাশিবো - ১৫'পরি, ১৬'পরি, ২০

উত্তর : কোন পণ্য, সেবা, মালামাল সরবরাহকারী প্রতিষ্ঠানের নিকট হতে নির্ধারিত মূল্য বা খরচের লিখিত পত্রকে কোটেশন বলে।

***** ৩। দরপত্র দলিল বলতে কী বুঝায়?**

বাকাশিবো - ১৬'পরি, ১৮, ১৯, ২৩, ২৪'পরি

উত্তর : দরপত্র দলিল হলো কোন নির্মাণ বা সেবা সংক্রান্ত কাজের জন্য ঠিকাদার বা প্রতিষ্ঠানকে দর দেওয়ার উদ্দেশ্যে প্রস্তুতকৃত লিখিত দলিল যাতে কাজের পরিমাণ, শর্ত ও মূল্য উল্লেখ থাকে।

*** ৪। দরপত্র বিজ্ঞপ্তি কাকে বলে? বাকাশিবো - ১৮, ১৯'পরি, ২০, ২৩'পরি, ২৫'পরি

উত্তর : দরপত্র বিজ্ঞপ্তি হলো একটি আনুষ্ঠানিক ঘোষণা, যা সরকারি বা বেসরকারি প্রতিষ্ঠান কর্তৃক প্রকাশিত হয়; যাতে ঠিকাদার বা আগ্রহী এজেন্সিকে সেবা গ্রহণের জন্য বিড আহ্বান করা হয়।

*** ৫। দরপত্রে কি কি বিষয় উল্লেখ থাকে? বাকাশিবো - ২০১৬, ১৬'পরি, ২২

উত্তর : দরপত্রে নিম্নোক্ত বিষয়গুলো উল্লেখ থাকে :-

- ১) যে সকল স্থানে ও সময়ে দরপত্র পাওয়া যাবে।
- ২) দরপত্র গ্রহণের এবং খোলার সময় ও স্থান।
- ৩) দরপত্র খোলার ব্যক্তি ও কর্তৃপক্ষের নাম।

* ৬। টেন্ডার কেন করা হয়? বাকাশিবো- ২০১৬'পরি

উত্তর : টেন্ডার হলো একটি প্রতিযোগিতামূলক প্রক্রিয়া, যাতে একটি প্রতিষ্ঠান বা সংস্থা একটি নির্দিষ্ট কাজ, সেবা অথবা পণ্য সরবরাহের জন্য প্রস্তাব আহ্বান করা হয়। যা সরবরাহকারীদের মধ্যে সেরা প্রস্তাব বাছাই করতে সাহায্য করে।

*** ৭। BNBC এর পূর্ণরূপ কী? বাকাশিবো - ১৮, ১৯'পরি, ২০'পরি, ২২, ২৪'পরি

উত্তর : BNBC = Bangladesh National Building Code.

***** ৮। বিল অফ কোয়ান্টিটি (BOQ) কাকে বলে?**

বাকাশিবো - ১৬, ১৭, ১৮, ২১, ২৩'পরি, ২৪'পরি

উত্তর : বিল অফ কোয়ান্টিটি হলো একটি লিখিত দলিল, যেখানে কোন নির্মাণ প্রকল্পের জন্য প্রয়োজনীয় সকল কাজের বিস্তারিত বিবরণ, পরিমাপ, একক ও আইটেমভিত্তিক তালিকা উল্লেখ থাকে, যার ভিত্তিতে ব্যয় নির্ধারণ ও টেন্ডার দর প্রস্তুত করা হয়।

**** ৯। ICB বলতে কী বুঝায়?**

বাকাশিবো - ২০১৪

উত্তর : ICB (International Competitive Bidding) বলতে এমন একটি দরপত্র পদ্ধতি বোঝায়, যেখানে আন্তর্জাতিক পর্যায়ে ঠিকাদার বা সরবরাহকারীদের নিকট সমান শর্তে প্রতিযোগিতার মাধ্যমে কাজ প্রদান করা হয়।

*** ১০। তুলনামূলক বিবরণী বলতে কী বোঝায়?**

বাকাশিবো- ২০১৬

উত্তর : তুলনামূলক বিবরণী (Comparative Statement) বা CS হলো একটি বিশ্লেষণমূলক ডকুমেন্ট, যেখানে টেন্ডারদাতাদের দাখিলকৃত দর, শর্ত, কাজের পরিধি ইত্যাদি বিষয় একসাথে উপস্থাপন করে পারস্পরিক তুলনা করা হয়।

SOS

সংক্ষিপ্ত প্রশ্নোত্তর :

*** ১। টেন্ডার বা দরপত্র কত প্রকার ও কী কী?

বাকাশিবো- ২০১৬, ১৬'পরি, ১৮, ২০, ২১, ২৪'পরি

উত্তর : টেন্ডার বা দরপত্র প্রধানত দুই প্রকার; যথা অভ্যন্তরীণ ও আন্তর্জাতিক।

এদের আবার পাঁচ ভাগে ভাগ করা হয়ে থাকে :-

- ১) উন্মুক্ত দরপত্র পদ্ধতি
- ২) সীমিত দরপত্র পদ্ধতি
- ৩) দুই পর্যায়বিশিষ্ট দরপত্র পদ্ধতি
- ৪) কোটেশন প্রদানের অনুরোধ জ্ঞাপন পদ্ধতি
- ৫) সরাসরি ক্রয় পদ্ধতি।

* ২। LBC ও IBC বলতে কী বুঝায়?

বাকাশিবো - ২০১৬

উত্তর : LBC (Local Competitive Bid) : যে দরপত্র বিজ্ঞপ্তিতে স্থানীয় ঠিকাদারদের নিকট দরপত্র আহ্বান করা হয় এবং সমান শর্তে প্রতিযোগিতার মাধ্যমে কাজ প্রদান করা হয় তাকে স্থানীয় প্রতিযোগিতামূলক দরপত্র বলে।

IBC (International Competitive Bid) :- যে দরপত্র বিজ্ঞপ্তিতে আন্তর্জাতিক ঠিকাদার বা সরবরাহকারীদের নিকট দরপত্র আহ্বান করা হয় এবং সমান শর্তে প্রতিযোগিতার মাধ্যমে কাজ প্রদান করা হয় তাকে আন্তর্জাতিক প্রতিযোগিতামূলক দরপত্র বলে।

*** ৩। দরপত্র বিজ্ঞপ্তির জন্য প্রয়োজনীয় বিষয়গুলো কী কী?

বাকাশিবো - ১৭, ২০'পর, ২১, ২৪'পর

উত্তর : দরপত্র বিজ্ঞপ্তির জন্য প্রয়োজনীয় বিষয়গুলো নিম্নরূপ :

- ১) দরপত্র আহ্বানকারী প্রতিষ্ঠানের নাম ও ঠিকানা
- ২) দরপত্রের শিরোনাম ও নম্বর
- ৩) কাজের সংক্ষিপ্ত বিবরণ
- ৪) ইস্যুকারী কর্তৃপক্ষ
- ৫) আনুমানিক মূল্য
- ৬) দরপত্র দলিল সংগ্রহের স্থান, তারিখ ও সময়
- ৭) দরপত্র জমা দেওয়ার শেষ তারিখ ও সময়
- ৮) দরপত্র খোলার তারিখ, সময় ও স্থান
- ৯) যোগাযোগের তথ্য
- ১০) জামানতের পরিমাণ ও ধরন
- ১১) যোগ্যতার শর্তাবলি
- ১২) কাজের সময়সীমা
- ১৩) আইনি এবং সম্মতির প্রয়োজনীয়তা

SOS

রচনামূলক প্রশ্নোত্তর :

*** ১। দরপত্র দলিল প্রস্তুতকরণ পদ্ধতি বর্ণনা কর।

বাকশিবো- ২০১৮'পর, ২০'পর, ২১, ২৩'পর, ২৪'পর

উত্তর : দরপত্র দলিল প্রস্তুত করা একটি পরিকল্পিত ও নিয়মতান্ত্রিক প্রক্রিয়া। এর মাধ্যমে ঠিকাদারদের কাছে কাজের সম্পূর্ণ তথ্য স্পষ্টভাবে উপস্থাপন করা হয়। দরপত্র দলিল প্রস্তুত করার পদ্ধতিসমূহ নিম্নরূপ :-

১) কাজের প্রয়োজন নির্ধারণ : প্রথমে নির্ধারণ করতে হবে কেন দরপত্র আহ্বান করা হচ্ছে এবং প্রকল্পের ধরন, পরিসর, অবস্থান, আনুমানিক ব্যয় ও গুণগত মান, সময়কাল ও অন্যান্য প্রয়োজনীয়তা সুস্পষ্টভাবে সংজ্ঞায়িত করতে হবে।

২) দলিলের কাঠামো পদ্ধতি : প্রকল্প ও সেবার বিস্তারিত উদ্দেশ্য, পরিধি উল্লেখ করে দরপত্র আহ্বানের উদ্দেশ্য ও প্রক্রিয়া বর্ণনা করতে হবে। যেখানে পণ্য বা সেবার প্রযুক্তিগত ও কার্যকরী বৈশিষ্ট্য, মানদণ্ড এবং পরীক্ষার শর্তাবলি থাকতে হবে।

৩) দলিল পর্যালোচনা ও অনুমোদন : দলিল প্রস্তুত করার পর এটি সংশ্লিষ্ট কর্তৃপক্ষ দ্বারা পর্যালোচনা করে অনুমোদন পাওয়ার পর এটি প্রকাশের জন্য প্রস্তুত হবে।

৪) দরপত্র জমা ও গ্রহণ : দরপত্র গ্রহণ ও জমা দেওয়ার জন্য প্রার্থীদের একটি নির্ধারিত সময়সীমার মধ্যে আহ্বান করা হয় এবং প্রাপ্ত দরপত্রের সঠিক হিসাব ও সুরক্ষিত রাখা।

৫) দরপত্রের শর্তাবলি প্রণয়ন : দরপত্র প্রস্তুত করার সময় এতে নির্ধারিত শর্তসমূহ যুক্ত করে দিতে হবে। যেমন- যোগ্যতার শর্ত, দরপত্র জমা দেওয়ার নিয়ম, জামানত, কাজ শুরু ও শেষের সময় এবং জরিমানা ও পেমেন্ট শর্ত।

৬) চূড়ান্ত নির্বাচন ও চুক্তি প্রস্তুতি : সর্বোত্তম প্রস্তাবককে নির্বাচন করতে হবে এবং চুক্তি প্রস্তুত করতে হবে যাতে সমস্ত শর্ত ও দায়িত্ব স্পষ্টভাবে উল্লেখ থাকে।

৭) কার্যকরী পর্যবেক্ষণ : চুক্তির শর্ত অনুসারে পণ্য ও সেবার সরবরাহ নিশ্চিত করতে হবে এবং কার্যকরী অবস্থা পর্যবেক্ষণ করে প্রয়োজনীয় পরিবর্তন ও আপডেট করতে হবে।

৮) ফিডব্যাক ও মূল্যায়ন : প্রকল্পের সফলতা ও পরিষেবার মান সম্পর্কে ফিডব্যাক সংগ্রহ করতে হবে এবং ভবিষ্যতে দরপত্র প্রক্রিয়ার উন্নতির জন্য ফিডব্যাক ব্যবহার করতে হবে।

*** ২। চুক্তির সাধারণ শর্তগুলো আলোচনা কর।

বাকশিবো- ২০১৬, ১৬'পরি, ১৭, ১৮, ২০'পরি

উত্তর : চুক্তির সাধারণ শর্তাবলি হলো একটি চুক্তির মৌলিক অংশ, যা চুক্তির সাথে যুক্ত সকল পক্ষের অধিকার, দায়িত্ব এবং শর্তাবলি স্পষ্ট করে। নিচে চুক্তির সাধারণ শর্তাবলি উল্লেখ করা হলো :

- ১) চুক্তির উদ্দেশ্য : প্রকল্পের মূল উদ্দেশ্য স্পষ্ট করা এবং কাজের ধরন, পরিমাণ ও সীমা নির্ধারণ করা।
- ২) চুক্তির মূল্য ও অর্থ প্রদান : চুক্তির মোট মূল্য উল্লেখ করা থাকে এবং অর্থ কিভাবে প্রদান করা হবে তা নির্ধারণ করা হয় ও অগ্রগতি অনুসারে ধাপে ধাপে প্রদান করা হয়।
- ৩) সময়সীমা : কাজ সম্পাদনের নির্ধারিত তারিখ উল্লেখ করা থাকে।
- ৪) গোপনীয়তা : চুক্তি সম্পর্কিত যেকোনো তথ্য অন্যত্র প্রকাশ না করার শর্ত।
- ৫) কাজের মান : কাজের গুণমানের মানদণ্ড ও নির্দেশিকা নির্ধারণ করা এবং নিশ্চিত করার জন্য পরীক্ষা পদ্ধতি উল্লেখ করা।
- ৬) দায়মুক্তি ও ক্ষতিপূরণ : প্রকল্পের ঝুঁকি এবং সম্ভাব্য সমস্যার বিবৃতি এবং ক্ষতি হলে কে কতটুকু দায়ী থাকবে তার পরিমাণ উল্লেখ।
- ৭) চুক্তির পরিবর্তন ও সংশোধন : প্রকল্পের প্রয়োজনে চুক্তি পরিবর্তনের প্রক্রিয়া ও শর্তাবলি নির্ধারণ।

- ৮) চুক্তি ভঙ্গ : শর্ত পালনে ব্যর্থ হলে অর্থাৎ বিরোধের ক্ষেত্রে সমাধানের পদ্ধতি উল্লেখ থাকতে হবে। যেমন:- ক্ষতিপূরণ, মধ্যস্থতা, সালিশি বা আদালতের আশ্রয় ইত্যাদি।
- ৯) চুক্তির অবসান : কোন পরিস্থিতিতে চুক্তি বাতিল বা শেষ হবে তার নিয়মাবলি উল্লেখ এবং কাজের স্থানান্তর সম্পর্কিত শর্তাবলি।
- ১০) আইনি বিষয়াবলি : চুক্তি সংশ্লিষ্ট আইন ও বিধিমালা উল্লেখ করতে হবে এবং আইনি ক্ষেত্র ও স্থান নির্ধারণ করতে হবে।